



Jadual Pembacaan Khutbah Jumaat

Siri 11/ 2023 (Novomber Tahun 2023)

تاریخ	تاجوق	ب
3 November 2023M/ 19 Rabi'ul Akhir 1445H	Integriti Pendokong Kekuatan Ummah	1.
10 November 2023M/ 26 Rabi'ul Akhir 1445H	CHIKADUN	2.
17 November 2023M/ 3 Jamadil Awwal 1445H	Menggali Semangat Al-Jazari	3.
24 November 2023M/ 10 Jamadil Awwal 1445H	Surat Cinta Dari Ilahi	4.
Khutbah Kedua		

دبيايماءي:



رَكَّةٌ فُلُوْلٌ فِينِغُ

دتربيتكن:



جابتَنْ حال إحوال أَكَمْ اسلام فُلُوْلٌ فِينِغُ



Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Surat Cinta Dari Ilahi

24 November 2023M/ 10 Jamadilawwal 1445H

الْحَمْدُ لِلَّهِ الَّذِي أَنْزَلَ عَلَى عَبْدِهِ الْكِتَابَ وَلَمْ يَجْعَلْ لَهُ عِوْجًَا [الْكَهْفٌ: 1]،
وَجَعَلَ بِقُضْلِهِ لِكُلِّ مَنِ اتَّقَاهُ فَرَجًَا وَمَخْرَجًا.

وَأَشْهُدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، شَهَادَةُ الْحَقِّ وَالْيَقِينِ فِي الْخَوْفِ
وَالرَّجَاءِ. وَأَشْهُدُ أَنَّ مُحَمَّدًا عَبْدُ اللَّهِ وَرَسُولُهُ، وَمُصْطَفَاهُ وَخَلِيلَهُ كَانَ نَبِيًّا
رَسُولاً.

صَلَّى اللَّهُ وَسَلَّمَ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَنْوَارِ الْهُدَى
وَمَصَابِيحِ الدُّجَى، وَالْتَّابِعِينَ وَتَابِعِيهِمْ بِإِحْسَانٍ مَا نَهَارٌ تَجَلَّى، وَمَا لَيْلٌ سَجَى.
إِمَّا بَعْدُ، فَاتَّقُوا اللَّهَ رَحِمَكُمُ اللَّهُ، وَاسْتَعِدُوا لِيَوْمٍ لَا يَنْفَعُ فِيهِ مَالٌ وَلَا خِلَالٌ،
إِلَّا مَنْ أَتَى اللَّهَ بِصَالِحِ الْأَعْمَالِ.

PARA TETAMU JUMAAT YANG DIKASIHI SEKALIAN,

Sebagaimana ibu yang tidak pernah jemu berpesan pada anaknya agar lebih taat, mimbar juga tidak akan pernah bosan untuk menyeru dan mengajak sekalian jemaah untuk sama-sama berusaha bersungguh-sungguh meninggikan derajat ketakwaan ke hadrat Allah سُبْحَانَهُ وَتَعَالَى.

Peliharalah hablumminallah (حَبْلٌ مِنَ اللَّهِ), tunaikan segala titah perintah dan bermujahadah meninggalkan apa yang ditegah.



Selain itu, khatib juga ingin mengingatkan sidang hadirin sekalian, agar memberi fokus dan mendengar dengan bersungguh-sungguh khutbah Jumaat ini. Janganlah leka bermain gajet, tidur dengan sengaja, berbual-bual atau menggerakkan tabung kutipan masjid kerana perbuatan-perbuatan tersebut bertentangan dengan adab mendengar khutbah. Marilah kita bersama-sama menghayati khutbah Jumaat yang akan membicarakan tajuk **“Surat Cinta Dari Ilahi.”**

MUSLIMIN RAHIMAKUMULLAH,

Lahirnya kita adalah dari kegelapan rahim kepada terangnya dunia. Umpama rumah yang tiada bekalan elektrik, pastinya keadaan menjadi gawat dan pergerakan menjadi sukar. Umpama perjalanan dan kenderaan kita pada zaman teknologi ini tanpa GPS dan seumpamanya, pasti sesat arah tuju, sukar untuk sampai ke destinasi.

Begitulah tamsilannya kitab suci Al-Quran dalam kehidupan manusia, tanpa agama manusia akan binasa, tanpa ilmu manusia menjadi buta. Tanpa iman, manusia dalam kesesatan. Tanpa Al-Quran, manusia kehilangan pedoman lalu terjerumus ke dalam jurang kehancuran. Sebagaimana yang telah termaktub dalam kitab Sirah An-Nabawiyyah, ketika usia Nabi mencecah sekitar 40 tahun, dakwah Nabi mula berlaku jalannya.

Masyarakat Arab Quraisy makin jauh kesesatan, hanyut dalam kejahilan dan larut dalam kesyirikan. Akibatnya, mereka tergamak menyembah patung berhala bahkan bukan sedikit jumlahnya yang dijadikan sembahhan.



Kita yang mendapat hidayah daripada Allah ﷺ kepada agama yang sebenar tentu dapat merasakan betapa hina dan bodohnya manusia menyembah berhala yang tidak memiliki apa-apa kuasa. Begitulah hancur luluhnya hati seorang Nabi saat melihat umatnya kian rosak dimamah mazmumah dan jahiliah. Namun begitu Baginda tidak pernah mengalah. Lalu Allah menggerakkan hati Baginda agar bersunyi diri di Gua Hira' sebagai lokasi ber'uzlah. Di sana Nabi berfikir tentang keagungan Ilahi dan merenungi rahsia kejadian alam serta mengamati kehidupan manusia di dunia dan kesudahannya. Mungkin kita boleh bayangkan, rintihan Baginda ketika bermunajat kepada Tuhananya di dalam gua yang sepi itu:

"Ya Allah, umatku sedang rosak, umatku sedang hanyut, umatku semakin jauh dari jalanmu. Kurniakan aku petunjuk-Mu, berikan aku kekuatan. Tunjukkan aku jalan. Tidak sanggup ku melihat umat terus terkurung dalam kesesatan."

Berkat kesabaran dan kecekalan baginda, akhirnya tibalah detik malam penuh cinta bersaksi air mata, malaikat Jibril turun pada malam al-qadar membawa risalah agung mukjizat terulung buat Nabi ﷺ.

Surah al-'Alaq itulah surat cinta pertama yang menyapa. Berkata Jibril : ﷺ “Bacalah”, jawab baginda: “Aku tidak tahu.” Dipeluknya jasad Nabi, berulang kali dan dilepaskan seraya berkata:



أَقْرَأْتُ بِاسْمِ رَبِّكَ الَّذِي خَلَقَ ① خَلَقَ الْإِنْسَنَ مِنْ عَلَقٍ ② أَقْرَأْتُ وَرَبُّكَ الْأَكْرَمُ ③ الَّذِي عَلِمَ
بِالْقَلْمَنْ ④ عَلِمَ الْإِنْسَنَ مَا لَمْ يَعْلَمْ ⑤

Maksudnya: “Bacalah (wahai Muhammad) dengan nama Tuhanmu yang menjadikan (sekalian makhluk). Dia menjadikan manusia daripada segumpal darah beku. Bacalah dan Tuhanmu jualah yang Maha Pemurah. Yang mengajar manusia melalui pena dan tulisan. Dia mengajar manusia apa-apa yang tidak diketahuinya.”

Nabi ketakutan ketika melihat dan menatap wajah sebenar malaikat Jibril ﷺ hingga menutup seluruh muka bumi, Nabi pulang bertemu isteri sambil berkata: “Selimutkan Aku!” Bergetar suara dan debar jiwa Baginda menerima kalam Tuhan, berdebar jiwa Baginda menerima hadiah termahal daripada Allah buat pertama kali. **Itulah surat cinta dari Ilahi.**

SIDANG JUMAAT YANG DIRAHMATI,

Begitu hebatnya situasi Nabi ﷺ ketika mendapat wahyu sedang kita umatnya memandang ringan seolah-olah tidak menghargai Al-Quran. Justeru, di manakah bukti cinta pada seorang Nabi? Dimanakah bukti cinta kita pada kitab suci? Setiap kali kita membuka dan menyelak



halaman Al-Quran, cuba rasakan di situ bukti pengorbanan agung Rasulullah ﷺ.

Cuba kita renungkan, jika diletak telefon yang kononnya pintar di sisi Al-Quran, mana satu yang lebih berdebu? Telefon kita pasti lebih berkilat lantaran kita menyentuhnya hampir setiap saat. Sedang Al-Quran dibiarkan berdebu dengan alasan tidak sempat. Berapa ramaikah dalam kalangan kita yang ada Al-Quran di meja atau ditempat kerjanya? Berapa ramai pula dalam kalangan kita ada Al-Quran di dalam keretanya? Tepuk dada tanyalah iman kita.

SAUDARAKU YANG DICINTAI ALLAH DAN RASUL,

Dalam sebuah hadis daripada Abdullah bin Mas'ud رضي الله عنهما, Nabi ﷺ bersabda:

Maksudnya: “Al-Quran ini adalah hidangan Allah. Oleh itu terimalah hidangan Allah ini semampu kamu. Al-Quran ini adalah tali Allah (cahaya yang menjadi petunjuk), cahaya yang terang dan ubat yang mujarab, pengawal bagi orang yang mengikutnya, sesiapa yang tersesat akan dipandunya, sesiapa yang menyimpang akan dibetulkan, keajaibannya tiada henti, keagungan dan kemanisan bacaannya tidak akan terjejas walau sekerap mana sekalipun diulang. Bacalah kerana Allah, kerana ia akan memberikan kamu ganjaran jika kamu membacanya setiap satu huruf sepuluh ganjaran. Aku tidak katakan alif lam mim (أَلِفْ لَامْ مِيمْ) itu satu huruf tetapi alif 1 huruf, lam 1 huruf dan mim 1 huruf.”



SIDANG MUKMININ RAHIMAKUMULLAH,

Tika kita kesunyian di alam barzakh, Al-Quran akan muncul sebagai teman. Bila kita kegelapan diulit kematian, Al-Quran menjelma sebagai cahaya yang menerangkan. Bila sempit, Al-Quran itu datang sebagai pembela yang melapangkan. Baginda Rasulullah ﷺ pernah bersabda:

تَرْكُتُ فِينِكُمْ أَمْرِيْنِ، لَنْ تَضِلُّوا مَا تَمَسَّكُتُمْ بِهِمَا: كِتَابَ اللَّهِ، وَسُنْنَةَ نَبِيِّهِ

Maksudnya: “Aku tinggalkan kepada kamu dua perkara dan kamu tidak akan sesat selagimana kamu berpegang dengannya iaitu kitab Allah (Al-Quran) dan sunnah Nabinya.”

SIDANG HADIRIN YANG DIRAHMATI ALLAH,

Kesimpulan yang dapat kita ambil daripada khutbah pada hari ini ialah:

Pertama: Manusia lahir dari kegelapan rahim, Al-Quran itulah suluhan cahayanya hingga ke syurga.

Kedua: Al-Quran ialah anugerah termahal daripada Allah yang tiada pada umat terdahulu. Air mata dan darah Nabi itulah maharnya.



Ketiga: Allah mengirim seratus empat belas (114) surah yang merupakan surat-surat cinta Tuhan buat kita hamba-Nya. Maka pelajarilah Al-Quran, bacalah semampu, sebanyak dan sekerap mungkin.

Keempat: Tidak perlu menunggu waktu lapang dan tenang untuk mendampingi Al-Quran, namun hampirilah dan tadabburlah Al-Quran hingga kita beroleh tenang dan lapang.

Firman Allah سُبْحَانَهُ وَقَعَدَّا in dalam surah Sad ayat 29:

كِتَابٌ أَنزَلْنَاهُ إِلَيْكَ مُبَرَّكٌ لِّيَدَبُرُواْ عَائِتِهِ وَلِيَتَذَكَّرُ أُولُو الْأَلْبَابِ ٩٩

Maksudnya: “Al-Quran ini Kami turunkan kepadamu dan (umatmu Muhammad), kitab yang penuh dengan keberkatan agar mereka menghayati kandungan ayat-ayatnya dan agar orang yang berakal sihat dapat mengambil iktibar.”

بَارَكَ اللَّهُ لِي وَلَكُمْ فِي الْقُرْءَانِ الْعَظِيمِ، وَنَفَعَنِي وَأَيَّا كُمْ بِهِدْيِي سَيِّدِ الْمُرْسَلِينَ، أَقُولُ
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.





Khutbah Kedua Bulan November

2023M/ 1445H

الْحَمْدُ لِلَّهِ عَلَى الْإِلَهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيْمًا لِشَائِنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًّا إِلَى رِضْوَانِهِ.
صَلَّى اللَّهُ وَسَلَّمَ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَّدَ خَلْقَهُ وَرِضَا نَفْسِهِ،
وَزَنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، إِتَّقُوا اللَّهَ تَعَالَى رَبَّكُمْ حَقَّ تُقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ اعْلَمُوا أَنَّ اللَّهَ سُبْحَانَهُ وَتَعَالَى أَمْرَكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيًّا حَكِيمًا
إِنَّ اللَّهَ وَمَلَكَتَهُ، يُصَلُّونَ عَلَى النَّبِيِّ يَتَائِيَهَا الَّذِينَ ءَامَنُوا صَلَوَأْ عَلَيْهِ وَسَلِّمُوا تَسْلِيمًا ⑤

[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدِ نِبِيِّ النَّذِيرِ، وَالسَّرَّاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبَعَهُمْ يَإِحْسَانٍ إِلَى
يَوْمِ الدِّينِ، وَعَنَّا مَعْهُمْ بِعَفْوِكَ وَكَرِمِكَ وَإِحْسَانِكَ يَا أَرْحَمَ الرَّاحِمِينَ.

SIDANG JEMAAH YANG DIRAHMATI ALLAH,

Khatib juga mengambil kesempatan ini untuk menyeru para jemaah sekalian agar terus memberikan sokongan padu tanpa berbelah-bagi kepada penduduk Palestin yang sedang dizalimi oleh Regim Zionis melalui serangan tanpa henti di Gaza dan Tebing Barat.



Kita mungkin tidak mampu mengangkat senjata, tetapi kita masih mempunyai kekuatan daripada aspek kewangan. Infakkannya sebahagian rezeki untuk membantu mereka yang ketika ini berada dalam keadaan yang amat menyedihkan serta menjalani kehidupan yang sukar. Selain itu, gunakanlah senjata paling ampuh yakni DOA. Semoga Allah ﷺ menganugerahkan kejayaan, keselamatan dan kesejahteraan buat seluruh umat Islam serta rakyat Palestin khasnya. Semoga bumi Palestin kembali aman dan makmur di bawah rahmat Allah ﷺ.

اللَّهُمَّ أَعِزِّ الْإِسْلَامَ وَالْمُسْلِمِينَ، اللَّهُمَّ أَذِلِّ الشُّرَكَ وَالْمُشْرِكِينَ، اللَّهُمَّ انْصُرْ إِخْوَانَتَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلِسْطِينِ وَفِي كُلِّ مَكَانٍ وَفِي كُلِّ زَمَانٍ.

Ya Allah! Muliakan Islam dan orang Islam. Ya Allah! Hinakan Syirik dan musyrikin. Ya Allah! Berilah pertolongan kepada saudara-saudara kami yang muslim, para mujahidin dan golongan-golongan yang lemah di Palestine dan juga di semua tempat dan setiap ketika.”

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنًا فِي أَوْطَانِنَا، وَأَصْلِحْ وَاحْفَظْ أَئِمَّتَنَا وَعُلَمَاءَنَا وَوُزْرَاءَنَا وَوُلَادَةَ أُمُورَنَا.
اللَّهُمَّ وَفَقِهْمُ لِمَا فِيهِ عِزٌّ دِينِنَا وَنَصِّرْ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُضْلِحِينَ وَأَشْمَلِ اللَّهُمَّ بِعِنَائِتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli



Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذِلِكَ صَاحِبُ الْفَخَامَةُ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفِعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزَّلَازِلَ وَالْمِحْنَ وَسُوءَ
الْفِتْنَ مَا ظَهَرَ مِنْهَا وَمَا بَطَنَ عَنْ بَلْدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً
يَا رَبَّ الْعَالَمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP).

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.



عِبَادَ اللَّهَ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَىٰ وَيَنْهَا عَنِ الْفَحْشَاءِ
 وَالْمُنْكَرِ وَالْبَغْيِ يَعْظُمُ لَعَلَّكُمْ تَذَكَّرُونَ ﴿٦﴾ فَادْكُرُوا اللَّهَ الْجَلِيلَ يَذْكُرُكُمْ، وَاسْكُرُوهُ
 عَلَىٰ نِعَمِهِ يَزِدْكُمْ، وَلَدِكُرُ اللَّهُ أَكْبَرُ وَاللَّهُ يَعْلَمُ مَا تَصْنَعُونَ ﴿٧﴾

دبياًءِي:



زَكَاةٌ فُولَوْ فِينُخ

دتربيتكن:



جابتَنْ حَالِ إِحْوَالِ اِكَامِ اِسْلَامِ
 فُولَوْ فِينُخ

